

I N D I A.



Termini.

Partes
duae, intra
Gangem &
extra Gan-
gem.

India totius orbis terrarum pars nobilissima est, & sub unius nominis appellatione maxima. Ab occidente Indo fluvio, unde nomen habet, & mari Arabico; à septentrione, Tauro monte; ab oriente,

mari Eoo; ab austro, Indico clauditur. Dirimit eam in duas partes flumen Gangis, quarum illa, quæ orientalis est, India extra Gangem; quæ vero occidentalis, India intra Gangem veteribus dicta fuit: Recentiores hodie *Indostan* vocant. Non solum incolarum frequentia, urbium oppidorumque multitudine aliis terris præcellit, verum omnium penè rerum ubertate, quas terra homini vel ad necessitatem vel ad voluptatem sufficit. Magnis parvisque passim fluminibus irrigatur, quæ accedente solis validissimo calore solum omne mirè fecundat. Aromata, gummi, succosque fragrantissimi odoris, gemmas preciosissimas, sericumque & byssum aliis orbis regionibus liberaliter impertit.

Regna.

Dividitur in plurima regna, quorū præcipua sunt, terra *Mogolensium*, *Decam*, *Malabar*, *Narsinga*, *Oriza*, *Pegu*, *Sian* & *Cambodja*. Præterea tot passim Insulis conspergitur mare, ut Archipelagus esse videatur, & Insularum mundus. Inter has familiam ducunt: Insulæ *Maldive*, *Zeylon*, *Sumatra*, *Iava*, *Borneo*, *Celebes*, *Mindanao*, *Lusson*, *Banda*, *Amboina*, & *Moluccarum* insulæ.

Regnum
magnum Mo-
golis.

Borealem Indiæ partem tenet *Magnus Mogol*, inter potentissimos totius Orbis Principes nulli secundus. Hic, teste *Botero*, 47 regnis imperat. Ab ortu & septentrione terminatur imperium *Tartariæ* finibus, ac monte Tauro: ab occidente à Persia, meridie *Decam* & *Oriza*: qua parte quoque regnum *Cambajæ* & *Bengalæ* complectitur.

Cambaja.

Cambaja ad ostia fluminis Indi sita, inter fertilissimos totius Indiæ tractus excellit, omnibusque circumjacentibus terris de frumento, tritico, oryza, pisce, butyro, aliisque ad victum necessariis prospicit. Metropolis ejus à terra nomen habet, *Cambaja* quoque dicta. Indigenæ *Guzarattæ* & *Banjani* magna solertia & peritia mercaturam exercent. Pannos ex gossipio contextunt omnis generis, qui lineos nostros fidei gratitudine longe superant. Solum in hac regione colligitur illud terræ genus aut coloris, quod *Indigo* vocant, quod hinc quaquaversum in alias oras mundi partes transfertur. Etiam hinc preciosi lapides petuntur, granati, hyacinthi, amethysti, alique, necnon aromata medica. In finibus austrum versus arx est Lusitanorum celeberrima, *Diu*.

Asia.

Decam ab austro regno Malabarico con-

Decam.

termina est, ab oriente regnis *Bisnagar* & *Orizæ*, à septentrione *Cambajæ*, ab occidente verò Oceano alluitur. Dividitur in regiones hasce: *Cuncam*, *Canaram*, & *Ballaguatem*, quæ postrema à montibus istis constituitur, qui *Orizam* ex adverso aspiciunt. Atque hi quidem montes, non more aliorum montium prærupti sunt & in fastigia ac conum ascendentes, sed plani, pascuorum more. Ideo *Indis* *Ballaguate* dicti. Nam *Balle supra*, *Guatæ* verò montes ipsorum lingua significat. Totam regionem Lusitani *Decam* indignant, populum verò *Decanques* & *Canaras*. Metropolis regni est civitas *Beder* aulæ regis sedes. *Goa* emporium est celeberrimum, non hujus solummodo tractus, sed & Indiæ totius. Domicilium hic suum habet Lusitaniæ Prorex, Archiepiscopus, necnon Concilium & Cancellaria Regis. Nec aliunde, quam ex hoc loco, imperia legesque accipiunt reliqua, quæ Regi Lusitano parent, municipia. Hæc urbs mercium omnium Orientalium est proma & conda, quam ob causam maximus hic est mercatorum confluxus, qui ex Arabia, Persia, Armenia, *Cambaja*, *Bengala*, *Pegu*, *Sian*, *Malacca*, *Iava*, *Moluccis*, *China*, &c. huc ad mercaturam proficiscuntur. Mixti habitant Ethnici, *Indi*, *Æthiopes*, *Iudæi*, *Armenii*, *Guzarattæ*, *Bajanes* aliæque Indorum gentes, suisque quæque legibus ac fide vivit, hoc excepto, quod non liceat ulli mortuorum corpora exurere, aut Ethnicas superstitiones, quæ offendere possint, publicè observare. Reliquarum urbium nomina sunt *Cintapor*, *Dabul*, *Basnin*, *Chaul*, *Damaon*, quæ littorales omnes sunt. *Chaul* portu gaudet commodissimo, navibus insuper instructissima est, & mercatoribus opulenti locuples, qui *Ormum*, *Cambajam*, *Sindam*, *Bengalam*, aliisque navigant. Non longè hinc verus est civitas, quam indigenæ habent, ubi ex lacca plurima artificiose conficiuntur, sericique & byssini panni texuntur, quos nos Belgæ propriis linguæ nostræ nominibus vocamus *Grofgreyne*, *Satynen*, *Taffetanen*, *Armosynen*. Sericum rude *Chaulenses* à *China* petunt, quod ab ipsis textum varia forma quaquaversum mittitur. Feraces sunt hæ regiones orizæ, leguminum variorum nucumque Indicarum, unde oleum exprimitur, proventu. *Zingiber* magna fert copia, ob quam ejus vilescit æstimatio.

In hoc solo, retro *Ballaguattam*, necnon duobus aut tribus montibus prope *Bisnager*, gignuntur adamantes magno regis *Bisnagaren-*lis quæstu. Quicumque enim certam gravitatis mensuram (puta 25 *mangelyns*) attingunt, vel excedunt, sub pœna capitis ad ipsum deferri debent. Regio *Decam* montem habet, quem *Rocca velha* vocant, ubi optimos reperias, quos

B

ab aliis